

PRÆFATIO

ram suam addixit, in qvo vitæ genere de ortu & caussis subterraneorum, de natura fossilium, de veteribus & novis metallis, de re metallica libros in lucem emisit. / Hos secutus est Andreas Cæsalpinus, medicus itidem doctissimus, qvi in naturam metallorum libris aliquot hac de re scriptis illustravit. Eadem in re Josephus Quercetanus, & Gabriel Fallopius Mutinensis Italus, medici celeberrimi, ille libro de ortu & origine metallorum, hic commentariis de rebus metallicis editis, operam suam publico commodarunt. Religio sit silentio hic premere nomen Joannis Matthesii, qvi, Theologus licet & verbi divini minister in valle Joachimica, tantâ tamen rerum metallicarum cognitione & peritiâ valuit, ac si omnem iis excutiendis ætatem impendisset. Annuos is initio temporis quadragesimalis ad populum sermones, de ortu & caussis metallorum, deqve singulis eorum speciebus & mineralibus habuit, lectu jucundissimos & utilissimos, qvos in unum volumen coactos, & typis impressos, nomine inscripsit Sa-reptæ. Longum foret recentiorum numerum inire, qvorum quidem multi de metallis qvicq; vam in vulgus proferre suscepserunt, pauci verò uti par erat & ex vero id præstiterunt.

Olim quidem, cum Romani rerum adhuc potirentur, auri & argenti usus Germanis ferè ignorabatur, Taciti testimonio, qvi tamen nullam Germaniæ venam aurum & argentum gignere non aulus est affirmare, cum nemo illas esset scrutatus. Secutis verò temporibus tanta copia ejusmodi venæ sunt apertæ, ut Germania nulli genti felicissimo omniis generis metallorum & mineralium proventu concedat. Ante seculum tamen decimum ullam earum Germanis cognitam fuisse, apud Scriptores illorum temporum nusquam est reperire. Ex illo verò hinc inde in Germania nostra, in oris Saxoniarum, Misnix, Silesiarum, Alsatiarum, in ditionibus Serenissimorum Austriarum Ducum ad Oenuim, tanquam anterioris temporis dispendum redemptura, suas in sinu terræ reconditas dotes natura liberalissime prodegit.

Sed cum ab omni ferè ævo, uti vel ex Sacris videre licet, auri, argenti, aliorumq; ve metallorum usus fuerit, mirum tamen fodinandum